

RECENZ IJA

Veliko mi je zadovoljstvo što je autor baš mene zamolio da napišem recenziju ove monografije, a koja je zasnovana na njegovoj doktorskoj disertaciji. Kao njegov mentor na doktorskim studijama, mogu da kažem da sam odlično upoznat sa ovim radom i mogu reći da su tekstovi izneseni u ovom radu izuzetno aktuelni i da imaju veliku upotrebnu vrijednost u oblastima koje tretiraju. Malo je kvalitetnih istraživanja na ovu temu rađeno kod nas i bližem okruženju, čime ova monografija zauzima posebno mjesto, naročito uzevši u obzir da se u centru posmatranja nalaze poznati univerziteti iz Bosne i Hercegovine.

Modernizacijom nastavnih metoda uz upotrebu najnovijih multimedijalnih tehnologija i koncepata dolazi do redefinisanja načina učenja i usvajanja znanja, čime se nepovratno mijenjaju koncepti formalnog i neformalnog obrazovanja. Pri tome postoje određena pravila i opasnosti koji se na sistematski način opisuju u ovom radu.

Analiziraju se efekti i induktivni karakter elektronskog obrazovanja u Bosni i Hercegovini, istražuje se infrastruktura, spremnost studenata i nastavnika na usvajanje novih tehnologija. Uočavaju se specifični modeli elektronskog obrazovanja, posmatraju se elektronski obrazovni procesi u otvorenim i zatvorenim sistemima isporuke nastavnih sadržaja. Analiziraju se aktivnosti i ulaganja koje visokoškolske ustanove sprovode u cilju implementacije i poboljšanja izvođenja elektronske nastave, a koja se generalno mogu podijeliti na materijalno-tehničku i logističku podršku izvođenju elektronskog obrazovanja.

U ovoj monografiji sistematski se posmatra implementacija najnovijih IT rješenja u elektronskom obrazovanju BiH, uočavaju se slabosti, analizira

se postojeće stanje i predlažu se poboljšanja sa ciljem da se uhvati korak sa modernim evropskim obrazovanjem.

Već je spomenuto da je malo pisane riječi na polju uticaja multimedijalnih tehnologija na današnje moderno elektronsko obrazovanje, stoga na osnovu detaljno pregledanog i analiziranog teksta predlažem da se ova monografija objavi.

Prof. dr Branko Latinović